

Swnjcienz Vwnzva Bouxcuengh Cienzyiengz Minzczuz Cingsaenz

传承壮族文化 弘扬民族精神

——Fuzsuih Yen Cunghdungh Cin Sinhlungz Siujyoz
Guh Ndei Hong Cuengh Gun Song Saw Vah Sonhag

□ bonjbauz gicej Linz Nanz



▲ Hagseng doxdax bengcag.



▲ Hagdangz faex raemh gyaeundeie caemdingh.



▲ Hagdangz lingjdauj lauxsae caeu seizgan bae gwnzdangz dingqgoq.



▲ Lauxsae son ndaej ndei, hagseng dingq ndaej nyinhcaen.



▲ Douhung hagdangz daengjdwat angqcoux hagseng haeujhag.

Fuzsuih Yen Cunghdungh Cin Sinhlungz Siujyoz dwg gih raeuz aen hagdangz guh Cuengh Gun song saw sonhag haemq caeux ndeu, youh dwg aen hagdangz miz daegsaek minzczuz ndeu, hagdangz miz bang lauxsae nienzcoz youh miz sonhag gingniemh ndeu. Lai bi daeuj, hagdangz swnj gonq daiq laeng, caeuq seizdaih doengz baenaj, genhciz aeu gohyoz fazcanjgvanh guh cijdauj, gyagiengz ciengzgi guenjieix, doedok gunghcoz cungdenj, haeujlaeg guh songyauq sonhag gajigwz, cienzmienh coicaenh suciz gyayuz, aeundaej cingzcik ndei.

Sinhlungz Siujyoz hagseng cungj dwg Bouxcuengh, vah diegde caeuq Vahcuengh byauhcuinjinh haemq doxdoengz. Vihneix, 1985 nienz couh ndaej swcigih dinghdiemj guh Cuengh Gun song saw vah sonhag sawqdiemj hagdangz. Lai bi daeuj, hagdangz genhciz aeu "aeu Cuengh guhcawj, Cuengh Gun giethab, aeu Cuengh coi Gun, Cuengh Gun cungj rox" cibroek cih fuengcim guh dazyinx, nyinhcaen guh hong Cuengh Gun song saw vah sonhag, yaujoj haemq ndei. Geij bi neix, aen hagdangz neix lauxsae caeuq hagseng camgya Sawcuengh gangjhag doxdax caeuq Vahcuengh yienjgangj doxdax lai baez ndaej ciengi.

Hagdangz youq saedhengz suciz son'gyauq ndawde, aeu cienzyiengz

minzczuz vwnzva guhcawj, dawz minzczuz vwnzva yinxhaeuj gwnzdangz bae. Hagdangz doenggvaq yinhyoz, meijsuz, diyzuz caeuq cujdz banh duihoih, govai hozdung daengj lai diuzloh guh minzczuz vwnzva senhconz, daihlig gaihcanj minzczuz diyzuz hozdung lumj dwk lwgyangq, dik lwggienq, fouxfaexsax daengj hozdung, sawj hagseng rox minzczuz vwnzva minzczuz funghcingz, daegbied dwg Bouxcuengh fungsug sibgvenq daengj, doengzseiz roengzrengz senhconz baujhoh dangdieg minzczuz vwnzva vwnzvuz, soucomz fwen Bouxcuengh dangdieg, soucomz goj ndawbiengz, sonyinx hagseng camgya dangdieg ndawbiengz vwnzva hozdung daengj, hawj hagseng youq guh'angq guhcaemz ndawde roxyiuj vwnzva minzczuz, saenqhwng cing-saenz minzczuz.

Hagdangz cienzmienh gvancez dangj gyayuz fanghcin, aeu gohyenz hwng hag, daegsaek giengz hag. Daih'it, hagdangz ca ndei lauxsae sonhag cizlieng, daezsang lauxsae haglig, gujli lauxsae bae cinsuih daezsang haglig, dangqnaj, daengx hagdangz lauxsae haglig habgek dabdaengz 100%. Daihngieih, hagdangz ca ndei lauxsae gihbwnjgungh yinlen, lumj bujdunghva, suhfaz, dennauj daengj yinlen. Daihsam, hagdangz lij soucomz gak cungj beizyin saenqsik, ciuq hagdangz

fazenaj sihyau baij mbangj lauxsae camgya gak cungj gyauhliuz yenzdauj hozdung, romcomz sonhag gingniemh. Daihseiq, hagdangz giethab saedsaeh, yinx lauxsae "youq sonhag ndawde yenzgiu, youq yenzgiu ndawde sonhag", guh daengz sonhag caeuq yenzgiu "doxcaez youq doxcaez bouj". Linghvaih, gyagiengz cidu gensez, cungfaen diuhdoengh lauxsae hagseng cizgizsing, daezsang banhhag suibingz. Hagdangz giengzvaq ciengzgi gunghcoz guenjieix, dawz daengx hagdangz boux hagseng youhsu caeuq boux hagseng doeklaeng guenjieix dangguh hangh hong cungdenj daeuj ca, sawj hagdangz sonhag cizlieng daezsang ndaej gig vaiq.

Geij bi neix daeuj, Sinhlungz Siujyoz doenggvaq gyahfangj, ciuhai aenhoih bohranz caeuq ginzung daibayuj, daengz ndaw gyang ginzung dingq gij yigen gyoengqde, roengzrengz gajindei hong hagdangz, ndaej daengz ginzung haenh. Doengzseiz, hagdangz youh gaenx bae comz ngaenz, gajindei banhhag diuzgen. Geij bi neix gvaqdaej, hagdangz gonqlaeng ceng'aeu baihgwnz cihciz caeuq bouxvunz ndiepgyaez mbanjranz bangcoengh ndaej 50000 lai maenz ngaenz, coih ranzhag, cawx daizdaengq, canggyaeu hagdangz daengj, hawj hagdangz banhhag diuzgen ndaej gajindei haujlai.



▲ Hagseng lienh baenq hongx.



▲ Hagseng seiz roengzdangz angq guh diyzuz hozdung.



▲ Hagseng baenq hongx dik lwggienq angq raixcaix.